



Bibel fa Kjinja

brinj't junt

Aus Gott aules muak



Jeschräwen von: Edward Hughes
Jemolt von: Byron Unger; Lazarus; Alastair P.
Toom Pauss jestalt von: Bob Davies un Tammy S.
Awosat von: Ed Zacharias
Häajestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.

1


Wua kom wie hää? De Bibel, Gott sien Wuat, sajcht
wää de ieeschte Menschen wieren. Lang trigj, muak
Gott dän ieeschten Mensch; hee nand däm Adam.

Gott formd Adam von daut Stoff oppe Ieed un
pust an dän läwendjen Odem en. Adam sach
hee wia en een sea schmocka
Goaden; dee heet
Eden.



2


Ea Gott Adam muak, muak hee eene schmocke Welt un väl schmocket opp de Welt. Eent no daut aundre muak Gott de Boaj, de Stapen, de kalieeje Bloomen, groote Beem, Väajel dee doa sungen, broommende Bieen, groote Waulfesch un jlebbaje Schnigjen.



Gott muak aules waut
doe es-aules.

3


Aum Aunfank, ea Gott aules muak, wia doa nuscht buta Gott. Doa wieren kjeene Menschen, kjeene Städen ooda Dinja. Nuscht. Doa wia kjeen Licht un kjeen Diesta. Doa wia nich nopp ooda rauf. Kjeen jistren ooda morjen. Doa wia blooss Gott, un Gott haud kjeen Aunfank. Oba dan deed Gott waut!



Aum Aunfank
muak Gott
Himmel un Ieed.


4

Un de Ieed haud noch kjeen Jeschekj un kjeen Läwen, un äwa daut deepe Wota wia aules stock diesta. Dan säd Gott: Lot Licht schienen!




5

Un daut wort dach. Un Gott nand daut Licht: Dach, un daut diestre nand hee Nacht. De Owent un de Morjen vejinjen vom ieeschten Dach.




6

Aun dän tweeden Dach brocht Gott daut Wota unjarem Himmel toop opp soone Städen aus de Ozean un daut Mäa. Aum dresden Dach säd Gott, "lot doa driejet Launt väakomen." Un daut wort soo.




7

Gott säd daut Grauss sull väakomen, un uk Bloomen un Bescha un Beem. Un dee kjeemen äwadäl. Dan wia de dredda Dach äwa.




8

Gott muak dan de Sonn, de Mon
un aul de Stierns, soo väl daut
dee nich aula to talen sent.
Daut wia de vieda Dach.




9

Aun dän feften Dach
muak Gott de Tieren dee
em Wota läwen, de Fesch
un uk de Väajel. Hee
muak de Heifesch un uk
de Sardiens, de
lankbeenje Straussen un
de Bromväajel. Hee muak
aul de Sorten Fesch dee
em Wota läwen, un aule
Väajel dee oppe Ieed sent
un enne Loft flieejen.
Daut wia de fefta Dach.



10

Dän näakjsten Dach säd Gott noch mea. Hee säd,
"Lot läwendje Tieren oppe Ieed väakomen." Dan
jeef daut aul de veschiedne Tieren, Kjniepasch un
Ieedseelemaunda. Daut jeef Eelefaunten un
Ieedkotasch, daut jeef Open un onjeschekjte
Krockodielen, kwaubelje Warm, nieschieeje
Eichhornchen, spoakbeenje Jieropen, un nuzhelje
Kauten. Gott muak aul dee Tieren dän Dach.
Daut wia waut hee dän sasten Dach deed.




11

Doa wia noch waut, waut Gott aum sasten Dach
deed, waut sea besondret. Aules wia reed fa de
Menschen. Doa wia Äten oppe Stap un doa wieren
Tieren to haben. Un Gott säd, "Well wie Menschen
moaken, dee soo aus wie sent
un ons likjnen. Lot an Macht
haben äwa aules oppe Ieed."
**UN GOTT MUAK
MENSCHEN, DEE SOO
WIERN AUS HEE,
NO SIENEM PLON.**



12

Gott säd to Adam,
"Du kaust daut äten
waut du west em
Goaden. Oba von
dän Boom, dee daut
Vestentnis jäwen
kaun, waut goot un
schlajcht es, von dän
saust du nich äten,
wiels daut woat
onbedinjt dienen
Doot brinjen."



13

Un Gott de Har säd, "Daut es nich goot, daut de
Mensch auleen es. Ekj woa wäm moaken toom am
halpen." Gott brocht aul de Tieren un Väajel no
Adam, un hee jeef an äare Nomes.
Daut wia eene groote Oabeit fa
Adam. Oba doa wia kjeen Helpa
fa Adam mank aul dee Väajel
un Tieren.



14

Gott leet Adam sea deep entschloopen.
Aus hee schleep, neem Gott eent von
Adam siene Rebben, un muak eene
Fru doavon. De Fru dee
Gott muak wia de rajchte
Help fa Adam.



15

Gott muak aules en sass Doag. Un Gott
säajend dän säwenden Dach un muak daut
een Dach toom utreiwen. Adam un siene
Fru Eva wieren Gott jehuarsom, un see
wieren gaunz jlekjlich em Goaden Eden.
Gott wia de Har, hee sorjd fa aules,
un hee wia äa Frint.



16

Aus Gott aules muak

Eene Jeschicht von en daut Wuat Gottes,
de Bibel

finjt eena en

Mose 1-2

"Wan dien Wuat openboat woat,
jeft daut Licht." Psalm 119:130

17

Daut Enj



60

18

Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaecht jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

19